



**JUDICIAL SISTEM MONITORING PROGRAMME**  
**PROGRAMA DE MONITORIZASAUN DO SISTEMA JUDICIAL**

## ***Komunikadu Imprensa***

**12 Outubru 2012**

### **Tribunál Distritál Suai kondena pena tinan 15 prizaun ba krime abuzu seksuál ba menór**

Iha 10 Outubru 2012 Tribunál Distritál Suai kondena arguidu pena tinan 15 iha prizaun ba krime abuzu seksuál hasoru vítima ho idade tinan 11. Arguidu ba kazu ne'e ho naran Simão Amaral. Kazu ne'e akontese iha Aldeia Loro no Suco Suai Loro, Sub-Distritu Suai, Distritu Covalima.

Tribunál refere ba relatóriu médiku nian ne'ebé hatudu katak arguidu sofre moras mentál no depoimentu husi vítima no arguidu ne'ebé deklara katak arguidu iha moras mentál.

Ministériu Públiku akuza arguidu ho artigu 24 Kódigu Penál (tentativa) ho artigu 177 Kódigu Penál kona-ba abuzu seksuál ba menor ne'ebé hatur pena tinan 5 to'o15 iha prizaun.

*“JSMP konsiente katak iha kestaun inimputabilidade tanba anomalia psíkika eziste iha kazu ne'e, maibe desizaun ne'e manifesta komitmentu tribunál nian atu maneija priodade ba interesse diak labarik sira nian nomos atu proteje labarik sira husi kualkér forma violénsia ne'ebé kontra labarik sira nia interesse”* dehan Luis de Oliveira Sampaio, Diretór Ezekutivu JSMP.

Kazu ne'e rejistadu ho Númeru Prosesu: 78/PEN/2012/TDS. Audiénsia leitura akórdaun ne'e, dirije husi Juíz Dr. Pedro Rapoza Figueireiro (internasional), Ministériu Públiku representa husi Dr. Oscar Silva Tavares no arguidu hetan defeza husi Dr. João Henrique de Carvalho husi Eskritóriu Defensória Pública.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

Landline: 3323883